

太上洞淵神呪經卷之二十

制十

太上洞淵神呪經卷之二十

制十

長夜遣鬼品

道言吾昔與文始赤松子將諸梵王七十萬人遊乎世間五嶺之郊見刀兵而死者不唯一人太上愍之遣化人道士往問之子等何罪有縈斯苦各各答之曰某等受斯酷毒罔測元由唯願大慈賜垂宗旨化人曰叱叱子知之不大劫將近水來不久一切民人當與泥同如此之徒不唯一人也子何不學道乃長存耳子貪富貴一時之間不得仙度萬劫

不見善根與天地相蔽與災為期也世間不  
淨五賊牽人令人惡道喪人神炁將人入淵  
一舉失意悔無及焉太上說此之時坐中三  
萬九千人天女十萬人地下化人二十三萬  
人道士及魔王男女四十九萬人一時驚起

制十

求受此經自今以去奉持此法教化愚人令  
不貪生官不用王位各各自誓我等今日聞  
天尊所說復用行之不敢違背也各各脫身  
衣以用受經矣

道言世間人民末世有三萬九千人得上仙

者乘太上九龍之輦天人三億萬人遊行國中接有仙骨道士當爾之世大水一起鬼兵亦交男女之人死者衆多吾今特遣化人遊于四海令悉各各備經奉受大驅之文被危示之其中自有信心者聞之歡喜求化人受

之其中有不信之者聞亦不悟浩浩泛流流入九江三河而死盡柰何太上於空中乘五色雲輦觀之大慈念子等之愚柰何柰何以濟之也及乘龍將天人一切聖王五嶽仙人百億萬人於大水之中接取信心之人令人

無畏大鳥負人將著九天之上乘龍之輦縱  
廣萬里乃有二千九百里者有千二百里者  
輦有八億萬輦輦上容三億萬人自不受經  
者不聞法者不經齋者不識法界之人不得  
上此輦也大水將來化人雖接棟神司官斬  
制十  
之檢取罪人還置水中太上至聖能救之也  
飛仙男女亦佐太上度人焉大鳥千萬一時  
亦來負取善行之人汝等道士今見此大驅  
經并聞太上觀其形像子等後世果得遇其  
龍輦耳聖不虛言矣

道言此仙人玉女先天地而生生來多劫今  
與吾共教化愚人若有仙骨之人得見形像  
耳子等以復能各各傳化後生若男若女俱  
共受者終不橫死大水之時不在其中也大  
衆聞天尊說此悲思涕淚悉求受持太上愍  
之令化人入山作壇受之衆中男女八千萬  
人魔王男女不及還取質信各各詣山受之  
矣

道言汝等受此大驅寶經經中之要子等仙  
矣勤相化度傳受愚人愚人倒見甚可哀愍

來世大水將沒之耳聖人見愚人悠悠生活亦如世人觀廁中之蟲耳亦不知出時也汝等道士不化之者永沈生死矣坐中大衆五嶽仙人一切四部天人男女皆齊聲歎曰善哉我等亦當奉持之矣

制十

三

道言北海之外異隣王國土四十八萬家不信道法殺生自用國內不安萬民亡叛日殺三百人太上見大水將近愚人不知方作殃罪死入惡道何有出期乃入玄山觀一切衆生悠悠何所趣向乎即放身中之光下照十

方遣十方化人乘空飛於異隣國土王等見  
之心中大驚此人乘虛此何物也非是妖鬼  
乎即遣三萬人一時仰射之箭却來自中殺  
人人還自活官不能得殺之遣人白王王大  
怒遣兵士三萬人殺之不能得殺飛仙來下  
滿其國中國中滿溢俄為女人童子老人變  
身萬億王大怖懼叩頭向飛仙曰我等罪人  
不知大聖降下自今以去奉仙為師矣願垂  
納受仙人曰我等不中子師也我自有本師  
名曰天尊若汝等有此心者當與子等往白



之矣即將此國王等詣太上化人於是一時  
去王國中肅然無人王等曰此仙人大聖人  
也我等當更心奉之耳化人知王等之心悉  
化王國中人人各各受道與其符籙經契亦作  
齋法今北海之外道法興焉王及大臣馬玄

曰夫受此經奉師如何化人曰受此經者奉  
師如日月敬經如珠玉不得慢經不得輕師  
師如天也經如日也天不可毀日不可觸矣  
昇仙度世皆由於師耳無師又不得此經無  
經者不得上仙也子等奉師不得令懷嗔隔

一宿不得說師名諱道不兩相敬奉不得違  
心若子不從之頭破作七分矣

道言大水來時中國有仙人唐平仙人玉光  
仙人馬期領八萬天人仙人乘鐵船來接道  
士有經之人子等候之此仙人等來時上有

判十

四

五色之雲圓蓋長三百萬丈中有玉女十萬  
人光明赤白晃晃育育即是仙人來也汝等  
候之焉東林道士曰不審受何經得見仙人  
免脫三災也太上曰上清靈寶三昧無量悉  
亦免耳然道士不受此大驅經不得度三河

大水亦不免運劫之災也何以故此大驅經  
經中最上此經三十六部經經之王也更無  
大此者也此經經之都統受此經經之畢矣  
道士男女自非先身有其仙骨方得受此經  
也此經與無量同胎若欲法用一一如無量  
之法耳欲得仙騰當讀無量寶經道士不受  
此無量大驅經者亦非道士也坐中八萬四  
千人聞太上說之各各三禮求受奉行之焉  
弟子等自今以去持此經遍化天下之人悉  
受者乃門門化之耳

道言人有三魂七魄死便奔驅驅於五陰之  
中是以死者有吉有凶春三月死者太陽使  
者殺之名屬九夷君九十萬大神選之其號  
威蕤星宿當滅復連自絕行禮入定十鍊生  
尸七魄無為不經五苦得陞泥丸依禮元方

制十

五

天人所護分別善惡若人死後有人轉此經  
者大神八億萬人超其死魂還令生天若在  
人中侯王長者衣食自然不令經苦及有作  
此齋處天人玉女八億萬人仍下視之道士  
功德生人獲福亡人上陞斯由追齋之力

道言夏三月死者乃是洪林太陰司命部落  
殺之名屬八蠻君八十萬人選之星宿當滅  
復連永絕有人死者自今以去有人轉此經  
處亡人不遷不得生天人中者吾當遣光明  
仙人大輪仙人謙之仙人方生各領三萬九  
千天丁十萬力士打殺魔王選官主者十鍊  
大神不使上達常為小鬼中之卑永無仙期  
太上金口所詔令一行告下不怨如太上口  
勅者汝等小鬼王必有上遷耳若自禁令以  
行行而不用別令橫殺大神九十萬人各持

赤棒棒殺惡鬼五道衆官十方選神宜自利  
比不令亡人更有上聞上聞之日汝等先坐  
太上金口終不容恕一如太上至真所說悉  
從用者若不用者魔王鬼王頭破作十六分  
矣

道言秋三月死者乃是六傷大疫水火殃災  
殺之名屬六戎君選神六十萬億人名字自  
生天中星宿當滅復連永絕自此月日有人  
死亡及轉經五道選官十鍊生尸不得上天  
者坐兩舌惡口劫人殺人五逆不孝欺師罵

父打捍長者若兄若弟若姑若姨若伯若叔  
等悉入地獄九十一劫不得生天天人典官  
不容之也雖為轉經無益矣罪與謗人者同  
道士須善當自化人奉受三洞敬經行道若  
有亡者為之轉經經神勅下亡人上遷徑上  
生天自癸未辛巳道士化人度人焉可得免  
三災甲申之大水也

制十

六

道言凡冬三月死者明詔使者殺之坐不行  
道法笑人作善及恠百姓自是非人三魂七  
魄名屬五狄君選官五十萬人分別善惡星

宿當滅復連當絕自今以去人死者為鍊神  
鍊神之君八億萬人令亡者生天天女迎之  
不得飛仙當得生人十鍊生尸十方來賓天  
下共選不得下生若墮三塗魔王之過太山  
主簿五道主者名山仙官不加用意使亡人  
經難者汝等先坐太上口勅終不虛也道士  
化人吉凶憑齋齋神護身矣

道言凡人刑獄死者文吏司主之寒熱死者  
明王司主之落岸樹死者焚羊司主之刀兵  
死者衿人司主之木索死者女羅司主之水



中死者玄女司主之火燒死者天輔司主之  
林木死者何王司主之飢餓死者孟盈司主  
之臃腫死者李膺司主之針刺死者龍王司  
主之夢忤死者林玄司主之閉塞死者劉史  
司主之悲枉死者左任司主之顛狂死者丁

制十

七

苟司主之自刺死者朱令司主之入水死者  
胡純司主之長病死者喬秋司主之自今以  
去若人如此落十八司死者但轉此文所殺  
之官聞人轉經經中之神神自分別令人上  
遷亡者自生入中也自壬午辛巳吉凶悉轉

此經耳

道言人生皆屬角亢氐房心尾箕斗牛女虛  
危室壁奎婁胃昂畢觜參井鬼柳星張翼軫  
魁魁魁魁魁魁若星宿有名自有將從萬  
億步數里陌太上今矜衆生故示一切大鬼  
王自今以去若有人家能作大福轉此經處  
急分別令亡人生天衣食自然若在三塗拔  
之令出星宿不度當為度之星宿不滅當為  
滅之若復不遷復連不絕者大鬼王等先生  
一劫選官五道主者太山主簿悉當有罪罪

必成科不得上仙矣

道言凡人已死不及三七日者十年五年百  
年皆可追作功德耳但爲亡人十鍊行善行  
二五七九立功補過若先亡人無錄亦加錄  
與之天玄黃書此乃大經統受此一契無不

包通也生人無大錄者亦可受十將軍奉佩  
天玄黃書契令便可受三洞耳來者與之不  
問卑賤何以故大道如海海何有逆於穢惡  
哉大法無邊大人無異道士化人慎勿相妬  
相妬者天人奪子筭矣道法萬品智者弘念

之耳

道言自今轉此鍊神之處吾令天兵九十億  
萬人與十方力士八萬人仙官主者十二萬  
人玉女三千六百人各各手持赤戟打殺天  
下惡鬼殺天下惡口之人辟斥縣官盜賊一

制十

切白衣圖謀道士欲偏併侵欺此法師之者  
一一收其人生魂斬殺之不怒道士勤化人  
大魔王鬼主一切主者選官之神當爲亡人  
追逐文書若在三官謫作苦處悉當告下出  
此亡人令得生天若其不遷亡人三塗吏兵

有坐自今甲戌之年世間之人得聞三洞之  
音男女道士多有值此文者悉皆天上生來  
耳世之愚人不得此聞之也

道言此鍊神經經中之上者何以知之乎此  
經神一字三萬六千神神聞人作齋典齋神  
四十九萬人與太初玉女八千人東嶽仙人  
十二萬人來選亡人亡人上昇生人得福道  
士自今有奉此法得受此三洞之要教人受  
之者即自入仙品也自壬午年以國王大臣  
方伯二千石受此經者悉先世有緣骨應仙

仙人來化故令此人等信心自生得見大法  
師善哉男女必得上仙終不落淵矣

道言若人死後有生者為作功德亡人必復  
人身人身既復自上生天生天之後復入人  
中衣食自然若處世俗為人之師若作道士

制十

九

學道國王尊之為師不作常人若作國王方  
伯二千石令長心常念善勸人行道身自奉  
法三洞之經尊師敬神恒如日月此人今身  
大貴傳世相承無有休已子等今身端正亦  
是大道覆之富貴貧賤亦是大道使之為之

醜惡亦是道悉耳但一心信道道不虛言坐  
中億千萬玉女聞說是法悉大喜悅各各三  
禮當化人受奉之矣

道言凡人學道道悉至深自不覩之當信經  
文經文道示無經者世人安知道哉經爲人  
目目能遠視分別青白善惡大小無目不知  
也經文亦復然矣道士之學先當存信信乃  
有經耳當次奉師師能導人聖人玄遠隱形  
不見唯當奉師耳爲先有道緣乃有師故故  
令知道學仙行道作齋一一念師天人玉女

自然助人善心矣齋法一日二夜三時行道也

道言昔有一國多有虎豹道中食人時有二洞道士男女之官入山採藥還道中見人問之曰道中無虎也行人知虎在道中誑道士

曰無虎也道士等往之虎化成鹿見道士不驚亦無惡心道士等聞道中無虎喜而急去天人護之知行人誑道士心正天自遂之覆以護耳是以道士之法但立信心信心存者自然附人耳是南海焦買將八十人入山求仙



居山七年天下惡鬼日有百萬人來下試之  
道士大衆等永無恐心我奉太上無極之契  
何汝小鬼來恐我也一存信意無移易鬼自  
然去道士等天女化之後悉得上仙矣是以  
道士唯存心信耳

此西晉惠帝後司  
馬氏南渡江時事

制十

十

道言甲子之年六夷侵於中國中國無主司  
馬移度吳地江左自立為帝後金刀兄弟王  
治天下太樂人民翕翕四夷無事至辛巳年  
小小六夷動亂亂至壬午癸未紘紘甲申有  
災災水四十丈若無水者多是大兵虜當南

下而無害九州悠悠會真君金刀之末帝移  
治長安之地地不受人也當去之時土人先  
去僞人在後自然天烝非人意也道士玄門  
國主敬奉道法欣欣六夷亦伏中元更立明  
王治化無有刀兵惡心之人矣流居之民還

復中都天下安樂唯集太平也

西晉永嘉至宋永  
初時事已應記

道言壬午辛巳年有見道士入山斷穀休耕  
以求仙道又見道士不貪世榮追師勤苦以  
求仙道又見道士不務俗緣一心奉經以求  
仙道又見道士不妻不娶以求仙道又見道

士專心自役為臨執苦以求仙道又見道士  
不食供養供師以求仙道又見道士不惜財  
物廣造經像以求仙道又見道士多受契籙  
以求仙道又見道士棄妻不仕國王以求仙  
道又見道士日日勸人以求仙道又見道士

制十

十一

廣造治靖以求仙道又見道士奉師不慢以  
求仙道又見道士不作有為以求仙道  
道言人行道奉師師前曳卧踞坐見師不驚  
調誑師徒十無一實若此之人令汝虛耗天  
人誅之不盡天年奉師當如臣見天子豈可

僑慢人不有輕也師雖常人鬼神之主汝以  
奉之神來附汝若汝不敬師師亦不待汝敬  
也但師有仙靈營護之神神怒誅人所以汝  
等道士深自慎之矣

道言自今至辛巳年當有赤人長三尺  
七寸三億萬人居東海水中亦有學仙道士  
南海有八十萬人人身長九尺亦來入中國  
受道時人或不識之矣水人在海中曲山上  
亦有男女居在水中時出九曲山上有學道  
人多端正天下無有此比矣水中人王三百

夫人夫人悉受道法天人玄女之仙化之三  
洞大經布流於西海亦有人長一丈七尺亦  
有夫婦之道行道異於中國之人矣王方平  
麻姑日日往彼化人此國亦有水人身長一  
丈六尺多有女人少有男子玉身長二丈九

尺及三千夫人各有三十六王子不食五穀  
天人亦往來水下作金玉七寶之室人身亦  
衣金玉七寶之衣也中國人得亦不能別之  
行則乘風而駕雨亦有自然之道然矣此之  
水人等居在水下水在上流耳海中大蟲非

世人所知亦有大馬大牛如大馬人頭百億萬種不以一物也無可比之者矣世所無此也

道言世間人有三十六種人也東海外九萬里赤月支山山高九億萬丈上有三頭共一

制十

十二

身身如蛇也不食五穀食人蟲鹿鳥獸人身能飛行南海外三十萬里有竹山山高七十萬丈中有一角人人長六丈七尺亦食蟲鳥草木耳語不可了西海外七十萬里人長五尺食石沙水語不可解北海外五十萬里亦

有一山山高二百丈山上有入一身三面人  
長九尺不能食穀食草子耳不知人事有陰  
陽夫妻之炁生子如人而走及飛鳥虎狼畏  
矣  
道言此水人三千年乃死山中野人三百年  
亦死耳不知有道無有禮義矣正有中國之  
人知禮義耳中國東西南北十四萬里人人  
知法學大道有自然天人往來耳餘國無有  
此也十方無量國此是異國不同小小國聖  
人所居自非太上仙人不得往彼也元真仙

人曰何國國為幾里是中國之次也天尊告  
太上曰中國長安是也東至海隅南至吳楚  
之外郊西至罽賓北至沙漠悉是中國之名  
也然今之人禮道正有中原吳楚蜀漢建業  
洛下之人耳男女信法荆楚江夏南陽周地  
為上矣葱嶺西涼北地玄菟之人少學仙之  
人矣

道言天下之宮杜陽宮為上武當山其次中  
國有九十萬億宮宮有七十萬小宮宮中有  
三千萬人山上有四十九山中之上者杜陽



山山東西千二百里山可住平休旬陽谷入  
二百里可隱昔有法師往化道法三洞流布  
旬中有應飛仙之人籍超杜玄之邢彤法李  
馬進張奴劉石子貴此之等悉上昇為師矣  
仲山有古人住處今人名曰詳川周惠至小  
子得仙宮在其中其中人多有得仙者道士  
後世人得值見此法師三洞經者悉得飛仙  
也此川人後世男女亦多有道士值遇聖人  
耳何以故古之仙人董玄可居在其中得仙  
久矣時來化人人民信道者此仙人等教示

之耳

道言後世有三千道士海中來鳳凰百眉宮  
宮在西北域北山中伏羲之弟居處也伏羲本  
居仇池山上亦在西北域牛山女媧山亦是古  
之聖人住處在詳川周時有三萬仙人居此

山上

道言雲臺山岷玄山緜竹山赤石山龍和山  
寧蜀山山上有古人仙人住在蜀中城都人  
壬午辛巳三洞爲上汾陽山巴慙山上五山  
在巴西梓桐山也多古之仙人居地林窟

道士後世門門悉是玄女玉仙所化日日往  
彼化之法師矣行十方出浮山巴山建平山  
有仙人七十萬人隱矣

道言奉道之家三會之日詣師不得闕也凡  
三會詣師皆費天租一碩不得一勝少也庫

制十

十四

倉吏考人令人家中不利六畜暴死所爲不  
成此天下毒疫耳三會詣師香三兩以爲常  
事凡請師亦有法禮調御不得空也若有疾  
病急疾不論供敬如父不得有慢出一宿亦  
拜師師止則止耳道士坐案治職無貴賤也

參座考問無復後殃集未怒鬼也若受經多  
而治小多經者爲大也治大無經乃小治矣  
道言受道奉法之家當供肅天租年年自輸  
詣治自當憂之不可令師道也天人誅汝一  
斗不足師啓天曹主人還受殃罪不豫師也  
世人愚癡乃反怨師師不得亦無罪也一一  
上聞者令汝道民不利耳夫受道及經亦然  
但不能一一如法也不可虛也世人多窮不  
肯自力但望虛得聞師多責案法科令無能  
受者此爲自欺人也道士心慕道門者當自

勵力求信物令備具從法心中元元師可為  
除之耳不絕然無也

道言自今以去天上黃書契令并經為上不  
復受者今世黃赤紫府也有不受者考炁近  
人矣何以故三洞流布令人有病急但喚三

制十

十五

洞道士入治稽首燒香香火消之自然萬事  
散了耳不須章也天曹上從壬午辛巳年不  
受人章為世人作章主人考死師亦有罪作  
章一通隨事取生人口中辭語三師若八師  
五師若一師上治東向貢章步虛詠誦便止

自然鬼兵消憩亦須餅果麵食扶章也自今  
以去一一扶章禮畢再拜

道言夫人受錄符契一將軍已上悉應供養  
乃受質信如法一一不得寬也天上黃書八  
人食耳治以經都通作者十二人人食此為  
常範矣世人不知多作無竒也道士作福日  
月作之齋講為先奉師在心若一旦不如法  
輕慢於師師慢不終月旦十五日朝拜謁經  
禮其十方并禮師者妄行一步步有三十六  
考罪罪入無擢地獄求出無諧莫望仙道也

道言自今以去辛巳壬午年三洞流布布化  
天下天下之人不復章奏男女奉經入山者  
衆女人多受經天女化之甲申過者道炁方  
盛六夷伏信諸仙亦同法一家耳道士自今  
壬午年以去亦作冠褐裙帔三法衣策杖耳  
一日一食過中不食斷一切葷酒亦不嘗教  
化俗人爲事不得犯科男女相度智者爲師  
不得畜生生之物正乃然一身耳經書爲業  
入山中入月月長齋齋空食菜耳入山十人  
三十人百人一處廣作田植園菜五菓屋舍

四方并齋堂樓閣不得一人二人三人獨住  
鬼神欺人經法不可獨齋堂人多月月三齋  
日日三時上香禮拜十方此為神來附人矣  
二人一人獨在山中復不立法建齋直獨在  
山中蟲鹿亦在山中耳此為何異也當奉明  
師師多才技又多經文乃一人上可住多多  
遂上十人者不可住也況復二人五人也此  
不伏山神山神欺人人亦不吉矣  
道言人以黃書受來經久不得師過度日日  
有考令人多病田蕪虛耗宅中不利不終年



壽中道而夭又復不可還師符契神已入人  
身中臟腑故令人疾耳若奉法行道三師度  
者無他也道士受經經為大者昇仙之本是  
以衆師之中經師為大也仙人玉女莫不敬  
經師凡符契為上也道士不受諸符契不名  
道士也不奉三洞非道士也空受內外黃赤  
紫府小小道士耳要當受五千文經書上符  
契事事受之乃得上仙矣

道言道士入山若人間奉師師死者往塋視  
之葬埋以禮衣帶如法七日哭泣便為作齋

齋者七日一作之滿三七日便止耳弟子死  
師亦看視如之法不可殺生祀之也隨時餅  
果可耳道士後世之人按經文用之焉不用  
者天人矣終不與死也餘物悉與之耳

道言後世人必治三洞之上原值此飛仙經

制十

十七

者即見太上面像也不能入山者但逐延林  
山可遠世人十里五里絕別之處多種五菓  
木林田圃月月作齋齋今不廢化度愚人令  
奉三寶師無大小奉尊則貴昔羅和羊九十  
八歲師年十六歲日三度禮拜師侍從左右

恭敬不慢世人見之歎曰此老翁翬首西垂  
之年乃向此年少小兒拜也天人玉女曰此  
是老翁宿世之師耳小兒雖小智深遠矣  
道言師徒弟子先世之重緣亦如父子耳皆  
是先身相逐一處來久結誓累劫非只今相  
親作惡緣者亦復然也若國主大臣方伯二  
千石今與此道士學仙善者亦先世緣耳自  
不重緣不得為師宗父子矣今之聰明樂經  
耽書皆以先世習來久也師徒亦耳共同一  
心積來久矣誓為師友以見此經今乃受之

受之智者此人先身以學來故也時不知世  
之事謂其人聰明此亦明矣然伏讀來久矣  
道言後世多疫鬼鬼兵殺人道士可教人八  
節日齋一村共作之多多為善耳立春日春  
分日立夏日夏至日立秋日秋分日立冬日  
冬至日正月十五日七月十五日十月十五  
日六齋日也道士此日作齋按大法學仙道  
士三日三夜轉經行道其福無量也道士之  
法自非師徒大者為兄小者為弟不得稱君  
僕也生鬼誅人道士慎之焉欲八節日齋者

但擇野水島洲之上清淨簡寂之所一蕙也

道言自壬午之後以來復奏章不復受世間黃書契令天女所受無門而受自今以去至癸未之年甲申過者不復用問黃書契令直

制十

十八

此天下黃書耳若正受世間黃書者不得上仙若男女之人先無仙籙者但與十童子一將軍已上便受天上黃書契令三師若一師之亦是大道士也便可經契耳世人不知大水來近不肯受道大災之時奄然死盡奈何

奈何若不能多受者受五千文化胡經亦善  
矣

道言自今以去至壬午辛巳有女人道士多  
有受三洞入山者亦多女道男子反少也玄  
女常下來化作年少女子入人間受甲申之  
後男女十三已上悉受十將軍童子天上黃  
書契今何以故世轉信道麻姑杜蘭香與安  
期生唐公房化人悉受道士門門有之經書  
爲上齋講日夕多矣江左吳楚漢秦蜀郡多  
有習道之人矣

道言三洞出世仙人日下道士男女當勤經  
契多受符錄一心信善念師功德供養道士  
道士無貴賤有請消災香火不得有違一旦  
也道士自有吏兵侍衛不得一旦一夕有違  
吏兵當告人愆過天使吏兵違人夜去身中

制十

十九

吏兵遂自誅人亦令人疾病病人久考令人  
不健諸色夢寐不吉吏兵為之也昔有一人  
女官人請消災誑人言曰我今日身中不淨  
不可入治不得消災也誑人之罪後二月日  
女官下血三年遂不消瘥卜師占曰汝有罪

罪甚大天曹考汝耳文官自思惟正有此誑  
人恐必此罪也請道士作齋懺悔一月耳乃  
還瘥矣

道言自今以去告後世人汝等受道夫妻對  
受不得偏也夫受黃書三師過度道受黃契  
不過身考後世不復人身也況復求仙也亦  
不得誑人也奉道不香火身必有考考及子  
孫昔有二家相近都悉受黃書內外大契一  
家得三師過度日日行道道士消災觸事好  
日不違人意夫妻上仙天人護之有一家亦



受而不過度而無三師自共相妬妬遂不行  
道不終天壽二年中皆滅門族天人誅之矣  
受道須一一順其經文也

道言世人多癡夫妻共奉道奉道以妬忌不  
合行道道炁吏兵怒之後死死入火車八風

地獄中一日三死三生七十萬劫不復人身  
脫得復人有人之形無人之情聾聵瘖瘖為  
人形醜陋身體臭處人不喜見道士慈心化  
人遠此弊矣道士麓衣蔬食寫經多學奉師  
為事耳教諸後世男女道士明自思之也

道言道法難值值者稀耳後世見者勤恭奉  
之不惜財物道士為人之師亦不足多取人  
財道士欲奉佩所望期仙亦不可貪惜矣自  
除妻子其生口牛馬勿足貪也昔日亦有妻  
子布施賣子受經者不唯一人也自古及今

制十

二十

信道者一人二人者矣

道言三洞大經經之上者然不如飛仙經之  
上也何以故飛仙經十方大道太上一切仙  
人玉女遊化世界化人說之中有無量神人  
兵馬守之有人受之者神仙護之無不吉利

也後世辛巳壬午年以此經天下流行世人  
講誦勝於餘經道士齋戒多轉此經此經能  
令人飛仙也三洞多容亦有尸解仙住仙此  
經無也正有飛仙耳此經二十卷天人玉女  
十方仙人所共尊敬之矣

道言自今至壬午辛巳年道士急化世人受  
道大災欲起天放疫炁瘟毒流行殺人為多  
惡人故也若有作功德者鬼兵別之道士至  
其年月水災之時勸人作治舍受奉三洞正  
經經契在身吏力士自然攘惡耳水來不

久當在甲申甲申無者兵刀災運百姓紘紘  
後甲申大水蕩除當爾之時更立天地不唯  
今日之天下也

道言世間多有惡人故三洞不時布亦少耳  
衆生可念與泥同流鬼兵誅之奈何奈何太

制十

二十一

上與文始三日三夜在玄都宮中惟念衆生  
生死何方度之乃入金匱之中取太上太虛  
經飛仙經二十卷付與太宗法師令得授世  
間之人也

道言自今壬午辛巳年道士往往有值此飛

仙太虛經者上黨除文之申執當值此經文  
上仙矣女人二十六萬人中受經入山中也  
道言自今有人值此師師授此經者十方飛  
仙五嶽仙人玉女無極丈人一切玄女咸來  
共護此受經之人若此法師所住之處天下  
太和五穀豐熟人民安樂帝王老壽天人日  
日來下教授之助此國主治化矣  
道言道士之功德令如此耳若國主大臣方  
伯二千石復能奉受者位至無窮也天人自  
爲守護之耳終畢此人等不令犯惡也衆中

一切聞太上說此經各各大喜悉皆受化稽  
首禮拜皈依三寶

太上洞淵神呪經卷之二十  
終



